

450/22-378

B O S N A I H E R C E G O V I N A
F E D E R A C I J A B i H
Z E N I Č K O - D O B O J S K I K A N T O N
G R A D Z E N I C A

Služba za socijalnu zaštitu, stambene poslove i društvene djelatnosti

Broj: 07-45-12529/22
Zenica, 08.06.2022. godine

STRUČNA SLUŽBA GRADSKOG VIJEĆA

PREDMET: Stav Službe, Izvještaj o radu JP "RTV ZENICA" d.o.o Zenica za 2021.godinu,
- dostavlja se

Shodno nadležnostima sadržanim u Statutu Grada Zenica, Odluci o osnivanju Javnog preduzeća i ovlaštenjima po Zakonu o javnim preduzećima, Služba je razmotrila Izvještaj o radu JP "RTV ZENICA" d.o.o. Zenica u 2021. godini sa finansijskim izvještajem za 2021. godinu i Izvještajem o radu Nadzornog odbora i direktora u 2021. godini, kao i revizorski izvještaj ovlaštenog društva za reviziju, te nakon analize i ocjene navedenih dokumenata konstatuje:

- Izvještaj o radu JP „RTV Zenica“ d.o.o. Zenica u 2021. godini sačinjen je prema predloženoj metodologiji i daje detaljnu i preciznu sliku o radu i poslovanju ovog Javnog preduzeća.
- Osnovna djelatnost JP RTV Zenica je proizvodnja, prenos i emitovanje radio i televizijskog programa namijenjenog javnosti. Kao javno preduzeće ono je i osnovano radi ostvarivanja prava građana Grada Zenice na potpuno i objektivno informisanje kao i zadovoljavanje kulturnih i obrazovnih potreba, i u tom smislu su ostvarili javnu funkciju zbog koje su i osnovani.
- Grad Zenica u kontinuitetu ulaže određena sredstva za poboljšanje emisionog sistema,nabavku opreme i stalnih sredstava.
- Preduzeće je organizovano kao društvo sa ograničenom odgovornošću, sa 67,5 % državnog kapitala (Grad Zenica), 15,8 % JP RTV Zenica, 16,7 % ostali osnivači. Osnivač RTV Zenica je Grad Zenica i mali udjeličari.

Vezano za djelatnost, treba napomenuti sljedeće:

- U 2021. godini osnovna programska orijentacija bila je usmjerena na informisanje gledalaca i slušalaca o lokalnim temama i događajima od značaja za lokalnu zajednicu, što je i programski uslov iz desetogodišnjih dozvola koje je 2012. godine izdala Regulatorna agencija za komunikacije.
 - RTV Zenica ima tri medija –Radio, Televiziju i web stranicu „zenica.info“. Radio Zenica je regionalna javna stanica koja program emituje 24 sata. Radio i TV Zenica imaju status javnih stanica, što je regulisano i važećim dozvolama. Regulatorna agencija za komunikacije dala je 2012. godine desetogodišnje dozvole za rad Radiju i Televiziji Zenica.
 - Grad Zenica kao osnivač finansirao je realizaciju dijela proizvodnje i emitovanja programa RTV Zenica sa 340.000,00 KM.
- U istoj godini iz budžeta Grada podržane su manifestacije, čiji je tehnički organizator bila RTV Zenica i to : Dan Zenice, Zenica Summer Fest, Zenica Adventure.

- U 2021. godini broj zaposlenih u Preduzeću je varirao, pa je prosjek bio 33 zaposlenika i 1 pripravnik, te direktor na mandatni period od četiri godine kroz menadžerski ugovor.

- Saradnja Službe sa menadžmentom ustanove je zadovoljavajuća u smislu pristupačnosti, međusobne komunikacije, zajedničkih projekata te realizacije osnivačkih obaveza, a isto važi i za saradnju sa Nadzornim odborom Preduzeća.

- Nadzorni odbor je usvojio Izvještaj o radu, a rad direktora smatra pozitivnim u smislu doprinosa ostvarivanju programskih zadataka, namjenske upotrebe javnih sredstava i zakonitosti u radu Preduzeća, poboljšanja kvalitete u radu, disciplini, organizaciji i ukupnom kvalitetu pružanja usluge uprkos činjenici da je bio osjetan pad prihoda.

- Nadzorni odbor je pozitivnim ocijenio rad direktora Preduzeća, a radio je u skladu sa Zakonom o privrednim društvima, Zakonom o javnim preduzećima te Statutom i drugim normativnim aktima Društva u okviru Zakonom predviđenih obaveza i dužnosti.

- JP RTV Zenica je poslovnu 2021. godinu završilo sa ukupnim prihodom od 1.276.600,83 KM i rashodom od 1.271.279,37 KM, te je preduzeće poslovnu godinu završilo sa viškom prihoda nad rashodima u iznosu od 5.321,46 KM.

- Ova medijska kuća kao javni servis, svoje usluge pruža ne samo Gradu Zenici nego i širem području Kantona i njegovih institucija.

- Kao i ranijih godina Preduzeće svoju djelatnost obavlja sa više lokacija, odnosno odvojeno radio i televizijski program, te smo stali da je poboljšanje prostornih uslova rada, jedan od uslova efikasnije i racionalnije organizacija rada, pa smatramo da te aktivnosti treba nastaviti.

I ovo Preduzeće osjetilo je negativno djelovanje pandemije u finansijskom i programskom smislu, što je djelimično dovelo do stagnacije i zaustavljanja planskih aktivnosti.

Cijeneći sve navedeno a s obzirom na prezentirane pokazatelje o radu, rukovođenju, upravljanju i nadzoru nad radom Preduzeća, Služba za socijalnu zaštitu, stambene poslove i društvene djelatnosti dostavlja Gradskom vijeću Izvještaj o radu JP RTV Zenica za 2021. godinu na razmatranje.

PRILOG:

1. Izvještaj o radu i poslovanju JP "Radio-telvizija Zenica" d.o.o Zenica za 2021. godinu
2. Finansijski izvještaj za 2021. godinu sa izvještajem ovlaštenog revizora
3. Odluka Nadzornog odbora o usvajanju izvještaja direktora
4. Odluka Nadzornog odbora o usvajanju Finansijskog izvještaja o poslovanju u 2021. godini

DOSTAVLJENO:

1 x Naslov

1 x a/a

Šef Odsjeka društvenih djelatnosti
Z.I.



Pomoćnica Gradonačelnika
Sumea Mujkanović